

5.0 Current Fire Management Priorities in the Musgrave Ranges FMR

5.1 Cultural Sites

A_nangu nguraritja tjutangka wangkara palyan_umanangi, munu kutjupa tjuta wiyana_umanangi. Kan tjinguru ngura kutjupa wiru munu (panya tjitji, minyma, putu ma-pitjapai.) Kan mukuringanyi atunyma-ra Kanyintjikitja wangkama Land Managementa kanta alpamilku ngura ma-kapara wiyantja kuta_utawara (panya waru pulkangku) tjan_upi pulka tjuta panya ngaranya. Ka purkarangku waringka kuli wiyangka munu punu tjukurpa atunymankunytjaku kulu ngaranya.

5.2 Homelands

Homeland-ngka ukiri pulka tjuta ngaranya walingka urilta. Ka shovel-ngka katara kiti kitira patura patu-nguwan_upa tilint_utjaku wali pampanytja-ku tawara. Munu tjinguru para katara patu patuni warungka-tawara wali kampanytjaku-tawara.

5.3 Plants

Tjukurpa arakula pulkara mukuringanyi panya punu, ukiri irititja tjuta wiyaringu munu kuwari wiya ngaranya. Kala Musgrave Rangesla-wanungku ngurini munu nyakula, wangkara kulini yaaltji-yaaltjingu atunymankunytjikitjangu. Munula Year 2009 July-ngka piruku ankula nyakuku munula ilangu nyakula, Punu kulunypa inuntji-tjara. Punu nyanga paluru tjana Docker Riverla itingka puli murpungka ngarapai, Palu wiya kuwari ngaranya putula nyanganyi nyara palula-wanungku. 2008-ngkala nyangangi. Waru pulkangku tjinguru kampara wiyanu. Kala palula nguru kulini nyanga Musgrave Ranges-la palupurunypa kampara wiyantjaku-tawara. Kala palula nguru nyanga palula wanungku nyanganyi. Ka punu mutumutu puti kulunypa puli pantangka ngarapai.

Ka nyanganpa pulkara atunymankunytjaku warungku kampara wiyant_utjaku-tawara, kaliwara tjuta warungkatawara munu ili-tjara warru tjuta-tjara munu ukiri punu panya ini-tjara ngurini palunya tjananya.

Kutjupa tjuta punu, 'Kurku' punu irititja palunya kulu atunymankunytjikitjangu panya iwara ma-ngarinyi Umuwala-ngura Amatala kutu.

5.4 Animals

Warru maru nguwanpa paluru tjana nyinanyi New Wellala itingka ka palunya tjananya pulkara atunyma-nkunyjtaku warungkatawara kampanyjtaku-tawara, tjanping-ku.

5.5 Reducing the spread of wildfire through the regions

Tjukurpa tjinguru ngaranyi Pukatjala-nguru Kalkala kutu rawangku purkara-ngku waru tilintjaku year kutjupa year kutjupangku ukiri mutumutu rawa ngarakatinyjtaku pulkaringkula kampanyjtaku-tawara. Ngura Musgrave Ranges-nga atunymankunyjtaku Ulparira nguru ngalya-kampanyjtaku-tawara.

Ka pulkara atunymara ngura wirura kanyintjaku, kutjupara puli katu wanangrangku rungkara walu tililpaitu, ka tjinguru kulunypa nguwanpa kampanyjtaku. Ka palula ngura nyanga murpu ma-ngarinyi Musgravenya helicopter tatira katu tatira tilintjaku.

6.0 Burning proposals in the Musgrave Ranges FMR

Ka nyanganpa malpa-ngka nintini nyakula tilintjaku 2009 munu 2010-pangka

6.1 Waru ma-tilintjaku ngaranyi wiluraralku Musgrave-panya

1. Ukiri/punu, iriti wiyaringkunyjtja tjuta surveys tjapintjaku munu tjukurpa urara plan 2010 nyakunyjtaku munu palyantja-ku. Waruku arajtara (panya tilitjikitja-ngku). Munu Tupulta wilurara munukakarrara Jacky's Pass, palula wanungku.
2. Munu ngura tjuta atunymara ukiri tjuta katara tilira wali atunymara tilira wiyantjaku waru kutjupa pakantjaku-tawara, kutjupa kutjupa-ngku tilingtjaku-tawara.
3. Punu ili tjuta munu kulilypuru pulingka ngarala waninyi palunya tjananya kulu atunymankunyjtaku, Musgrave Rangesala. Munu puli katu tatira tjuku-tjuku tilintjaku. Munu atunymankunyjtaku punu tjuta tilintjaku-tawara, munu piruku ukiri ngula year kutjupa tilinma.
4. Puli wiru ngaranyangka (panya walpa pulka wiyangka). Nyanga Amatala kakarara palula wanungku purkarangku – Kurku, Tjau/Utjanypa, munu ilykuwara, munu iriya.

5. Amatala wilurara palya nguwanpa ngaranya ka waru tilintjaku ngaranya iwarangka itipi-wanungku munu punu nyanganpa atunymananyi.

6. Survey-ngku nyakula palya nyakula palyan-mananyi yaaltji tilintjaku ka waru helicopter-nguru tilintjaku tjulpu kuka ukiri pulkara tilintja wiya palu atunymankunytjaku area nyanga wanungku tjinguru nyara wanungku tilinytjaku katu-nguru.

6.2 Waru ma-tilintjaku ngaranya eastern Musgrave-panya

1. Communities munu homeland atunymankunytjaku uwankara ukiri nyakunytjaku munu kiti-kitintjaku wali-nguru.

2. Warru tjuta atumananyi pulkara munu waru tjaru-kutungku tilini katu kutungku wiya, munu waru tjuta tjuku-tjuku tilira pulkantja wiyangku atunymananyi, munu waringka tjanpi kulu tjuku tjuku nguwanpa tilini munu punu kulu atunymananyi, New Well-la nyinanyi warru tjuta. Ka tjanpi pulkangku warru tjuta atunymananyi, kanyala, putji-nguru kulu, munu warru panya atunymankunytjaku. Munu waru para tilintjaku kaliwara-wanungku. New Wella parari parari wanungku. Tjanpi tjuku-tjukuntjaku nguwanpa wilura side-kulu ili, urtjanpa, kaliwara kulu nyakunytjaku kampanytjaku-tawara.

3. Munu Umuwala itingka atunymanku-nytjaku survey-milantjaku kutjupa-kutjupa atunymankula kanyintjaku murpu nyara palula-wanungku.

4. Punu kurku tjuta atunymankunytjaku Eagle Bore – wanungku munu kurku munu ilykuwara tjuta. Ukiri pulka tjuta ngaranya ka waru-ngku pitjala kampapai kaputu pulka ngaranya-ngka, Ka ukiri tjuku-tjuku ngaranya-ngka kutju purkarangku tilini munu atunymananyi.

5. Itjinpirila itingka minyma tjuta nyinapai nyara palula itingka tjinguru ngula nyara palula wanungku atunymankula waru tjuku-tjuku tilira ngura atunymankunytjaku ngaranytjaku munu utjanypa tjuta. Punu, ukiri irititja tjuta pakara piltiring-kula punkara puntananyi punu ukiri tjuta palula-tawara tilira wiyara. Ka kuwaritja tjuta pakantjaku ngura wiru-nguwanpa ngaranytjaku. Ka nyara palula itingka pulingka ili munu punu kutjupa kulu ngaranya (Kurku) inuntji pulka tjara palunya atunymankunytjaku kulu.

6. Piriya-kutu kuna-unpula itingka punu kuranyu kampara wiyannyangka malangka ngarangi kuwari piriya-kutu tilintjaku. Palu puli-wanungku warara tilinytjaku, munu utjuwanung-ku roada iti-wanungku munu punu nyanga utjanytja munu ilykuwara tjuta atunymankunytjaku.

7. Ka kuwari palya ngaranyi pulingka panta wanu, palu tjinguru ngula kapi pulkangku puyinnyangka pulkaringkunytja-ku-tawara tjuku-tjukulpi para-tilintjaku ngula pulkaringkunytjaku-tawara.

8. Umuwala itingka ukiri kulunypa para tilintjaku tjanpi kuluny-kulunypa. Munu palu purunypa SA/NT border-ngka itingka Alparala munu Rocket Bore wanungku. Palu purunypa palyantjaku.

9. Katu-nguru waru tilintjaku tjanpi tjuta.

5.0 Current Fire Management Priorities in the Mann FMR

5.1 Cultural Sites

Anangu nguraritja tjutangka wangkara kuliningi. Kaya kulira wangkangu, nyangawanu palya, Ka nyaratja wiya, alatjiya wangkara palyanmanu. Tjinguru nyuntu ngura nyuntumpa wiru ngura pulka kanyini munu mukuringanyi atunymankunytjikitjang-ku. Wangkama Land Managemntakutu alpamilantjaku nyuntunya. Kanta Land Management-pangku alpamilalku. Munu tjanpi pulka punu pilti tjuta, kiti-kitini munu patu-patu nguwanpalta tilini tjukutjuku nguwanpa, punu kulu atunymankula ngura kanyintjikitjangku, munu atunymankunytjikitjangku.

5.2 Homelands

Homeland kutjupa tjuta ukiri pulka, munu winki walingka itingka pakanu. Ka tjinguru alatji ngaranyi ukiri katantjaku, munu patu-patuntjaku munu tilintjaku.

Angatjanya panya ngaranyi ukiri pulkatjara, ka paluru tjinguru kuranyu ngaranyi ka Homelandta kutjupa tjuta kulu nyakula ngurkantara wangkanyi ngangatja malangka. Ka uwankara tjukarurungkulta ma-palyani munu ngura Homeland tjuta alpamilani munu ukiri panya tilini kilinara patu-patu nguwanpalta.

5.3 Plants

Nganana ara tjukurpa punu, munu ukiri iriti ngaranytja tjutaku ngurpa panya Mann Ranges munu Tomkinson Rangesla iriti ngarangi munu kuwari wiya nguwanpa ngaranyi, kala ngula September 2010-angka ankula ngurilku. Munu nyakula tjunanyi punu, ukiri, palunya tjananya atunymankunytjikitjangku ilura wiyangkunytjakutawara.

Angatjanya warrarangku nyanganyi No 1 munu palungka ngururpa munu puli panta wanungu nyanganyi, altarpa tjuta pakani palula wanungku nyanganyi.

Munu punu kurku tjuta kampangu. Ka kulunypa tjuta pakanu Kalkala alinytjara palunya purunypa atunymankunytjaku punu kurku panya tjuta.

5.4 Animals

Warru No 1. Ngaranyi atunymankunytjaku. Panya Kalkala warru nyinara waninyi palya palu Pipalyatjarala tjaru nyinanyitu, ka tjinguru ankula nyakunytjaku ngaranyi munu atunymankunytjaku warungka-tawara kampanytjakutawara.

5.5 Reducing the spread of wildfires through the region

Iwara pulka ma-ngarinyi Amatala nguru Kalkala kutu, ka palatja wirunya waru ngalya kampara waintara ankunytjaku tawara ngururpatu wiyani.

Iwarangka itingka ukiri tjuta ma-tilintjaku kulu. Rawangku year kutjupa year kutjupa tilini. Ka puli-nguru kampara tjanpi kutu wati-kampanytjakutawara, lipiringkunytjaku tawara palya ngaranytjaku.

Wanangrangku pinpara rungkara tililpai pulingka, Ka tjanpi pulka tjuta ngaranyangka tjinguru waru pulkaringkuku palula tawara, helicopter-tjara tatira kilinankunytjaku tjinguru ngaranyi ngura panya atunymankunytjaku.

6.0 Burning Proposals in the Mann FMR

Ka map nyangangu nintini, munu nintini yaltji wararangku palyantjaku panya wangkaraya tarmalmanu tjukara urungku palyanyku palyantjikitjangku.

1. Punu ukiri iriti ngarala wiyaringkunytja tjuta nyakunytjaku.

2. Community munu homelandangka ukiri tjuta walingka ngaranytja tjuta nyakunytjaku.
3. Ili munu kanturangu tjuta atunymankunytjaku. Munu puli katu waru tjukutjuku tilintjaku. Tjaru kutu ma-kampanytjaku.
4. Munu Angatjala para tilintjaku wali-ngka urilta munu itara-kulu atunyma-nkunytjaku.
5. Munu uril-urilta tilintjaku tjanpi panya kulunypa tjuta. Munu pulingka taru wanungku kakarara kutul-ta ma-tilintjaku.
6. Tankanula iwarangka itiwanu-ngku ma-tilintjaku munu wilurara kutu ukiri wara tilintjaku wiya wangkangu. This will hep protect the grass-tree (kata-kultu/kata-puru/ulpa/urara) and increase different types of counry/habitat for plants and animals to use.
7. Ankula nyakuntjatjanungku ukiri munu punu, helicopter-ngkalta tatira waru katu tililku munu kutjupa kutjupa panya tjuta atunymankuku tili pulakangku tilira wiyantjaku-tawara.
8. Kanpila itipi wilurara kurkara tjutangka tjanpi tjuta tilintjaku.
9. Kalkala alinytjara kurku tjuta atunymankunytjaku munu tjanpi tjuta tilintjaku panya tjanpi kuluny-kulunypa tjuta.